

嵩嶽廟史卷之二

嵩厓景日珍纂



星野 州分 星分

星緯之麗天山嶽之亘地萬古為昭矣迺陰陽
精氣輪困扶輿下為靈嶽上為列星如形景之
應自然感符仰觀俯察天官家類能言其所以
然匪僅懸象之粗迹而已唐天文成於一行一
行故嵩浮屠也其論填星為嵩丘之主軒轅為

嵩嶽廟史 星野

中嶽之象最為精切不易乃逖稽遐搜言人人
殊毋亦天運至變匪可拘墟抑巍巍神嶽峻極
於天有非一象一緯所能區域者歟疆理既明
躔度可指志星野

禹貢云荆河惟豫州○又云熊耳外方桐栢至於陪
尾

按漢書地理志潁川郡密高縣有密高山古文
以為外方在今西京登封縣外方原屬豫州禹

貢蔡沈註曰熊耳外方桐栢陪尾豫州山也蓋
上古有九州而未分星野星經起於周末之甘
石二公彼以角亢係之鄭以鄭係之兗而新鄭
在號鄩之地濟西洛東河南潁北溱洧之間嵩
故其境內也遂改屬兗州矣史記天官書以角
亢氏屬兗州晉書天文志以自軫十二度至氏
四度爲壽星於辰在辰鄭之分野屬兗州蓋包
角亢於其中也二說與星經無異其後鄭滅於

嵩嶽廟史

星野

二

韓而漢書地理志又以角亢氏爲韓分野係之
兗州凡韓所有分晉得南陽郡及潁川之父城
定陵襄城潁陽潁陰長社陽翟郟東接汝南西
接弘農得新安宜陽皆韓分也及詩風陳鄭之
國與韓同星分焉成臯滎陽潁川之崇高陽城
皆鄭分也悉以屬之要各自其時言之也然而
去禹之九州遠矣

帝王世紀云自軫十二度至氏四度曰壽星之次於

辰在辰今韓分野屬兗州○又云自氐五度至尾九度曰大火之次於辰在卯今宋分野屬豫州

按是說與晉書天文志同夫星經兗州分野止稱角亢此兼言氐何也蓋氐星十六度屬兗四度屬豫十二度一星所屬必有圍轉可通者執山川州國以求象緯不宜膠柱鼓瑟也史記天官書云宋鄭之疆候在歲星占於房心夫宋鄭竝舉房心宋宿也而鄭之占候厥同其地邇其

嵩嶽廟史

星野

三

理通也又唐書天文志以角亢爲壽星東北抵嵩之東陽而曰豫州之分宜屬鶉火然則嵩高之稱豫州宜也自禹貢後諸史鑿鑿信不誣矣

星經云填星主嵩山豫州

史記天官書云填星之位曰中央歲填一宿

唐書天文志云陽氣自明堂漸升達於龍角曰壽星龍角謂之天關壽星在天關內故其分野在商亳西南淮水之陰北連太室之東自陽城際之亦異

維地也○又云鶉火大火壽星豕韋爲中州其神
主於嵩丘填星位焉○又云角亢壽星也東北抵
嵩之東陽中國地絡在南北河之間首自西傾極
於陪尾故隨申光皆豫州之分宜屬鶉火古陳蔡
許息江黃道栢沈賴蓼須頓胡防弦厲之國氏涉
壽星當洛邑衆山之東與亳土相接次南直潁水
之間曰太昊之墟爲亢分又南涉淮氣連鶉尾在
成周之東陽爲角分○又云自鶉首踰河戒東曰
均也

嵩嶽廟史

星野

四

鶉火得重離正位軒轅之址在焉其分野自河華
之交東流祝融之墟北負河南及漢葢寒燠之所
按宋天文志云填星爲中央爲季夏爲土於人
五常信也五事思也常以甲辰元始之歲填行
一宿二十八歲一周天夫嵩丘填星位也而星
經直屬之豫州嵩高之爲豫州也自禹貢後不
獨唐之人言之也史稱角亢爲壽星晉書世紀

及新舊唐書率無以異惟是分屬郡邑前後多
所齟齬至所云太室陽城嵩之東陽及洛邑衆
山之東與亳土相接次南直潁水之間在成周
之東陽等語則皆嵩也嵩之分屬角亢也此一
說矣

晉書天文志云嵩山三河之郊氣正赤

新唐書曰柳七星張鶉火也初柳七度餘四百六十
四杪七少中七星七度終張十四度北自滎澤滎

嵩嶽廟史

星野

五

陽並京索暨山南得新鄭密縣至外方東隅○又
云新鄭爲軒轅祝融之墟其東郊則入壽星○又
云自陝而東三川中嶽爲成周○又云七星係軒
轅得土行正位中嶽象也

按漢書天文志云周地柳七星張之分野今河
南洛陽穀城平陰偃師鞏緱氏是其分也與嵩
不相涉矣及讀晉唐書又何言之縷縷也晉書
以嵩與三河爲同宿唐書所載疆域如滎潁鄭

密諸邑皆漢書所謂韓地角亢氐之分者至若
外方東隅與前所謂嵩之東陽地同而三川與
中嶽並稱七星係軒轅正位又直以嵩山屬柳
星張之分野矣夫山水之流峙不易星緯之昭
回有常但天體至變而地形屢遷自禹畫九州
以後滄桑幾何執山川以考丘墟執丘墟以求
象緯未見其必合也况星經云周屬三河而唐
書以中嶽三川爲成周又周地偃洛鞏緱諸邑

嵩嶽廟史

星野

六

密邈嵩丘分之無可分也三川中嶽旣不可分
安有一地而屬兩宿者耶嵩之屬柳星張也於
理近似融會貫通在有識者自得之耳

隋書云軒轅黃帝之神后妃之主士職也

按史記天官書云軒轅前大星女主象旁小星
御者後宮屬與隋書援神契石氏星經正義等
書並說相同夫填星主高高而軒轅亦得土行
正位其直方大之體厚重凝固有非他嶽稜角

聳峭所可彷彿故曰黃龍之體主雷雨之神後
宮之象狀其厚德載物風雨之所和會也世儒
不察執漢地理志謂密高之太室少室其神皆
婦人象遽謂中嶽之神女主也抑褻矣

景日昃曰予嘗讀易矣在天成象在地成形陰
陽變化所以合也五帝司天之令其精氣根於
大地故羣山宗嶽嵩高填星位也於帝爲黃厥
象軒轅而當中州河濟之間其應衡星建以夜

嵩嶽廟史

星野

七

半陰陽之所會也西南建杓東北建魁咸推宗
焉峻極於天宜炳曜矣但纏度歲差而陵谷城
墟三五變移儒者狃一家言穿鑿割裂求其有
當難矣故推本於禹貢星經旁叅漢晉唐宋作
者之林敘而列之將有折衷焉

附

按大學衍義補云北極出地上三十六度南極
入地下亦三十六度而嵩高正當天之中極南
五十五度當嵩高之上又其南十二度爲夏至

之日道

晉書天文志曰日去地常八萬里又曰地上去天八萬一千三百餘里又地理志地東西南北相去二億三萬餘里自地至天半南極之數西陽云自地至天十一萬餘里周禮按以天主之法南載日下一萬五千里地與星辰四遊升降於三萬里之中是以半得地之中也潁川陽城為然

嵩嶽廟史

星野

八

珍 按此二說專言嵩也嵩書嵩山志邑志所不載附錄於此